

quelli di Spagna e non forestieri. Il Re li à risposto non esser pupillo et parerli di far cussi. Scrive mandar li salvoconduti per le galie di Barbaria in optima forma. Et era ritornato el nontio di quella Majestà mandato in Portogalo a domandar a quel Re suo cugnato voy indusiar ad aver li ducati milia de la soa dota, e pregarlo lo vogli servir di 200 milia scudi per questa sua andata in Germania. Li ha risposto è contento di la dota indusiar; ma si scusa non lo poter servir de danaro etc. Scrive come il Re certissimo vol esser a parlamento con il re d'Ingaltera; et a di 22, fo el zorno di San Zorzi, Soa Majestà andò in la chiesa vestito con la insegna di la Giaretiera, che li mandò il re d'Ingaltera. Et a do signori partiti di Anglia, venuti a servir Soa Majestà, li donò il Toson, ch'è la insegna di Borgogna. Scrive colouii auti con monsignor di Lutrech, qual li mostrò li sumarii di Levante. El qual disse se li principi christiani vorano, il Turco non haverà tante forze; et che l'havia aviso di Roma, esser certa pratica in di tuorlo al Turco e darlo a la Cesarea Majestà. Scrive, come el Re à dito a quelli primi che non voriano lassasse el cardenal di Tortosa in suo locho, che dil juramento fato e mantener li soi privilegi era contento observar; ma in questo voleva a suo modo. *Item*, come monsignor di Chievers mandò per l'orator di Franza, dicendoli havea provisto che a questa fiera fusse pagati in Lion li ducati 50 milia per el regno di Napoli a la Christianissima Majestà. Altre particolarità è in ditte letere, *ut in eis*.

Fu posto, per i Savii dil Consejo e Terra ferma, atento molti bombardieri hanno recusato in questi bisogni andar dove li vien comandato, et perchè il Colegio li possi cassar, e cussi in caso di desobedientia per l'avenir in contestabeli e altri, fu presa; la copia sarà qui avanti. Ave una non sincera, 77 di no, 98 de si; fu presa. Se lo Marino Sanudo era in Pregadi, la contradiseva; non saria stata presa.

È da saper, per *letere di le galie di Barbaria di la Cantara, di 17 April*, se intese esser manchato sier Sebastian Dolfin qu. sier Daniel, era mercatante pratico a quel viazo, da mal di mazucho, et tre altri mercatanti amalati, zoè questi nobeli de le galie: sier Giacomo Morexini qu. sier Antonio, sier Piero Venier qu. sier Santo, et sier Agustin Foscarini di sier Marco, et 70 e più amalati di mal di mazucho sopra le dite galie; *tamen* non è letere dil Capitano.

Noto. *Di Roma, fo letere di l'Orator in li Cai di X* in la materia de le zoie, dil Gixi: qual

sarà col Papa zonto sia Sua Santità a Roma; à parlato a suo fradello etc.

Et per letere particular, si ha, uno fradello dil reverendissimo Cibo esser maridato in una fiola dil marehexe de la Massa, et haverà intrada ducati 5000; el qual è nepote dil Papa.

Electo Provedador sora le fabriche di Padoa, justa la parte.

Sier Marco Contarini, fo castelan a Peschiera, qu. sier Andrea procurator	69.117
Sier Stefano Trivixan, fo soprastaldo, qu. sier Baldisera	77.114
Sier Hironimo Contarini, fo zudexe di Proprio, qu. sier Piero	84.108
Sier Zuan Francesco Bragadin, fo Cao di XL, qu. sier Bernardo	48.148
Sier Zuan Foscarini, fo di sier Nicolò, fo capitano in l'Adexe soto Verona.	77.119
Sier Filippo Corner, fo XL zivil, qu. sier Hironimo, <i>da Zenevre</i>	102. 96
Sier Lorenzo Salamon, el XL criminal, qu. sier Piero	77.123
Sier Giacomo Zen, fo Cao di XL, qu. sier Alvisè	65.136
Sier Zuan Maria Malipiero qu. sier Piero, qu. sier Marin	83.109
Sier Vetor Bragadin, el XL criminal, qu. sier Pelegrin	71.135
Sier Zuan Bernardo Falier, fo Cao di XL, qu. Marco	48.150
Sier Bernardo Diedo, fo Cao di XL, qu. sier Arseni	82.112
Sier Sebastian Querini, fo Cao di XL, di sier Carlo	101. 97
Sier Alvisè Bembo, fo provedador di cavali lizieri, qu. sier Polo	68.103
Sier Matio Malipiero, è provedador sora l'estimo di Padoa, qu. sier Domenego	85.110
Sier Fantin Lippomano, fo provedador sora le legne, qu. sier Zuane	99.102
Sier Tomà Marin, fo provedador a Salò, qu. sier Filippo	105. 96
Sier Marin Falier, el XL criminal, qu. sier Zuane	75.104
Sier Andrea Arimondo, fo provedador a Feltre, qu. sier Simon	35.163

288